



中国经典名著

全宋词

(六)

刘 丰 褚为良 編集

学苑音像出版社

目 录

赵 佶.....	员
李 纲.....	远
李 祁	園
张 纲	獮
李清照	源
吕本中	遠
赵 鼎	苑
向子諲	愿
沈与求.....	員
洪 皓.....	員
蔡 伸.....	員
王 灼.....	園
李弥逊.....	園
王以宁.....	園
陈与义.....	園

赵 佶

声声慢 春

宫梅粉淡，岸柳金匀，皇州乍庆春回。凤阙端门，棚山彩建蓬莱。沈沈洞天向晚，宝舆还、花满钧台。轻烟里，算谁将金莲，陆地齐开。


触处笙歌鼎沸，香鞯趁，雕轮隐隐轻雷。万家帘幕，千步锦绣相挨。银蟾皓月如昼，共乘欢、争忍归来。疏钟断，听行歌、犹在禁街。

声声慢 梅

欺寒冲暖，占早争春，江梅已破南枝。向晚阴凝，偏宜映月临池。天然莹肌秀骨，笑等闲、桃李芳菲。劳梦想，似玉人羞懒，弄粉妆迟。

长记行歌声断，犹堪恨，无情塞管频吹。寄远丁宁，折赠陇首相思。前村夜来雪里，殢东君、须索饶伊。烂漫也，算百花、犹自未知。

— 员 —



念奴娇

御制

雅怀素态，向闲中、天与风流标格。绿锁窗前湘簟展，终日风清人寂。玉子声干，纹楸色净，星点连还直。跳丸日月，算应局上销得。

全似落浦斜晖，寒鸦游鹭，乱点沙汀碛。妙算神机，须信道，国手都无勍敌。玳席欢余，芸堂香暖，赢取专良夕。桃源归路，烂柯应笑凡客。

探春令

帘旌微动，峭寒天气，龙池冰泮。杏花笑吐香犹浅。又还是、春将半。

清歌妙舞从头按。等芳时开宴。记去年、对著东风，曾许不负莺花愿。

聒龙谣

紫阙苕芜，绀宇邃深，望极绛河清浅。霜月流天，锁穹隆光满。水精宫、金锁龙盘，玳

— 圆 —



玳帘、玉钩云卷。动深思，秋籁萧萧，比人世、倍清燕。

瑶阶回。玉签鸣，渐秘省引水，辘轳声转。鸡人唱晓，促铜壶银箭。拂晨光、宫柳烟微，荡瑞色、御炉香散。从宸游，前后争趋，向金銮殿。

临江仙

宣和乙巳

冬幸亳州途次

过水穿山前去也，吟诗约句千余。淮波寒重雨疏疏。烟笼滩上鹭，人买就船鱼。

古寺幽房权且住，夜深宿在僧居。梦魂惊起转嗟吁。愁牵心上虑，和泪写回书。


满庭芳

并序

上元赐公师宰执观灯御筵，遵故事也。卿初获御座，以满庭芳词来上，因俯同其韵以赐。

寰宇清夷，元宵游豫，为开临御端门。暖风摇曳，香气霭轻氛。十万钩陈灿锦，钧台外、罗绮缤纷。欢声里，烛龙衔耀，黼藻太平春。

— 猿 —



灵鳌，擎彩岫，冰轮远驾，初上祥云。照
万宇嬉游，一视同仁。更起维垣大第，通宵宴、
调燮良臣。从兹庆，都愈赓载，千岁乐昌辰。

眼儿媚

玉京曾忆昔繁华。万里帝王家。琼林玉殿，
朝喧弦管，暮列笙琶。

花城人去今萧索，春梦绕胡沙。家山何处，
忍听羌笛，吹彻梅花。

燕山亭

裁剪冰绡，打叠数重，冷淡燕脂匀注。新
样靓妆，艳溢香融，羞杀蕊珠宫女。易得凋零，
更多少、无情风雨。愁苦。闲院落凄凉，几番
春暮。

凭寄离恨重重，这双燕，何曾会人言语。
天遥地远，万水千山，知他故宫何处。怎不思
量，除梦里、有时曾去。无据。和梦也、有时
不做。

— 源 —



金莲绕凤楼

绛烛朱笼相随映，驰绣毂、尘清香衬。万金光射龙轩莹。绕端门、瑞雷轻振。

元宵为开圣景。严敷坐、观灯锡庆。帝家华英疑误乘春兴。拏珠帘、望尧瞻舜。


小重山

罗绮生香娇上春。金莲开陆海，艳都城。宝舆回望翠峰青。东风鼓，吹下半天星。

万井贺升平。行歌花满路，月随人。龙楼一点玉灯明。箫韶远，高宴在蓬瀛。

以上见《彊村丛书》本《宋徽宗词》。

— 缘 —



李 纲

水龙吟

光武战昆阳

汉家炎运中微，坐令闰位余分据。南阳自有，真人膺历，龙翔虎步。初起昆城，旋驱乌合，块然当路。想莽军百万，旌旗千里，应道是、探囊取。

豁达刘郎大度。对劲敌、安恬无惧。提兵夹击，声喧天坏，雷风借助。虎豹哀号，戈旆委地，一时休去。早复收旧物，扫清氛祲，作中兴主。


念奴娇

汉武巡朔方

茂陵仙客，算真是、天与雄才宏略。猎取天骄驰卫霍，如使鹰鹯驱雀。鏖战皋兰，犁庭龙碛，饮至行勋爵。中华疆盛，坐令夷狄衰弱。

追想当日巡行，勒兵十万骑，横临边朔。亲总貔貅谈笑看，黠虏心惊胆落。寄语单于，两君相见，何苦逃沙漠。英风如在，卓然千古

— 远 —



高著。

喜迁莺

晋师胜淝上

长江千里。限南北、雪浪云涛无际。天险难逾，人谋克庄，索虏岂能吞噬。阿坚百万南牧，倏忽长驱吾地。破强敌，在谢公处画，从容颐指。

奇伟。淝水上，八千戈甲，结阵当蛇豕。鞭弭周旋，旌旗麾动，坐却北军风靡。夜闻数声鸣鹤，尽道王师将至。延晋祚，庇烝民，周雅何曾专美。

水龙吟

太宗临渭上

古来夷狄难驯，射飞择肉天骄子。唐家建国，北边雄盛，无如颉利。万马崩腾，早旗毡帐，远临清渭。向郊原驰突，凭陵仓卒，知战守、难为计。

须信君王神武。觐虏营、只从七骑。长弓大箭，据鞍诘问，单于非义。戈甲鲜明，旌麾光彩，六军随至。怅敌情震骇，鱼循鼠伏，请

— 苑 —



坚盟誓。

念奴娇

宪宗平淮西

晚唐姑息，有多少方镇，飞扬跋扈。淮蔡雄藩联四郡，千里公然旅拒。同恶相资，潜伤宰辅，谁敢分明语。媿群议，共云旄节应付。

于穆天子英明，不疑不贰处，登庸裴度。往督全师威令使，擒贼功名归愬。半夜衔枚，满城深雪，忽已亡悬瓠。明堂坐治，中兴高映千古。


雨霖铃

明皇幸西蜀

蛾眉修绿。正君王恩宠，曼舞丝竹。华清赐浴瑶甃，五家会处，花盈山谷。百里遗簪堕珥，尽宝钿珠玉。听突骑、鼙鼓声喧，寂寞霓裳羽衣曲。

金舆远幸匆匆速。奈六军不发人争目。明眸皓齿难恋，肠断处、绣囊犹馥。剑阁峥嵘，何况铃声，带雨相续。谩留与、千古伤神，尽入生绡幅。

— 愿 —



喜迁莺

真宗幸澶渊

边城寒早。恣骄虏、远牧甘泉丰草。铁马嘶风，毡裘凌雪，坐使一方云扰。庙堂折冲无策，欲幸坤维江表。叱群议，赖寇公力挽，亲行天讨。

缥缈。銮辂动，霓旌龙旆，遥指澶渊道。日照金戈，云随黄伞，径渡大河清晓。六军万姓呼舞，箭发狄酋难保。虏情讐，誓书来，从此年年修好。

减字木兰花

读《神仙传》


茫茫云海。方丈蓬壶何处在。拟泛轻舟。一到金鳌背上游。

琼楼珠室。千岁蟠桃初结实。月冷风清。试倩双成吸玉笙。

又

龟台金母。绀发芳容超曩古。绛节霓旌。

— 怨 —



青鸟传言若可凭。

瑶池罢宴。零落碧桃香片片。八骏西巡。
更有何人继后尘。

记遇乐

秋夜有感

秋色方浓，好天凉夜，风雨初霁。缺月如钩，微云半掩，的烁星河碎。爽来轩户，凉生枕簟，夜永悄然无寐。起徘徊，凭栏凝伫，片时万情千意。

江湖倦客，年来衰病，坐叹岁华空逝。往事成尘，新愁似锁，谁是知心底。五陵萧瑟，中原杳杳，但有满襟清泪。烛兰缸，呼童取酒，且图径醉。

望江南

池阳道中

归去客，迂骑过江乡。茅店鸡声寒逗月，板桥人迹晓凝霜。

一望楚天长。春信早，山路野梅香。映水酒帘斜扬日，隔林渔艇静鸣榔。杳杳下残阳。



水调歌头

同德久诸季小饮，
出示所作，即席答之

律吕自相召，韶頀不难谐。致君泽物，古来何世不须才。幸可山林高卧，袖手何妨闲处，醇酒醉朋侪。千里故人驾，不怕物情猜。


秋夜永，更秉烛，且衔杯。五年离索，谁谓谈笑豁幽怀。况我早衰多病，屏迹云山深处，俗客不曾来。此日扫花径，蓬户为君开。

又

与李致远、似之、张柔直会饮

如意始身退，此事古难谐。中年醉饮，多病闲去正当才。长爱兰亭公子，弋钓溪山娱适，甘旨及朋侪。衰疾卧江海，鸥鸟莫惊猜。

酒初熟，招我友，共一杯。碧天云卷，高挂明月照人怀。我醉欲眠君去，醉醒君如有意，依旧抱琴来。尚有一壶酒，当复为君开。



又

似之、申伯、叔阳皆作，再次前韵

物我本虚幻，世事若俳谐。功名富贵，当得须是个般才。幸有山林云水，造物端如有意，分付与吾侪。寄语旧猿鹤，不用苦相猜。

醉中适，一杯尽，复一杯。坐间有客，超诣言笑可忘怀。况是清风明月，如会幽人高意，千里自飞来。共笑陶彭泽，空对菊花开。

念奴娇

中秋独坐

暮云四卷，淡星河、天影茫茫垂碧。皓月浮空，人尽道，端的清圆如璧。丹桂扶疏，银蟾依约，千古佳今夕。寒光委照，有人独坐秋色。

怅念老子平生，粗令婚嫁了，超然闲适。误缚簪纓遭世故，空有当时胸臆。苒苒流年，春鸿秋燕，来往终何益。云山深处，这回真是休息。



感皇恩

九日菊花迟，茱萸却早。嫩蕊浓香自妍好。一簪华发，只恐西风吹帽。细看还遍插，人忘老。

千古此时，清欢多少。铁马台空但荒草。旅愁如海，须把金尊销了。暮天秋影碧，云如扫。

渔家傲

九月将尽，

菊花始有开者

木落霜清秋色霁。菊苞渐吐金英碎。佳节不随东去水。谁得会。黄花开日重阳至。

三径旧栽烟水外。故园凝望空流泪。香色向人如有意。授落蕊。金尊满满从教醉。


水调歌头

和李

似之横山对月

秋杪暑方退，清若玉壶冰。高楼对月，天

— 员猿 —



上宫殿不曾扃。散下凄然风露，影照江山如昼，
浑觉俗缘轻。弋者欲何慕，鸿羽正冥冥。

世间法，唯此事，最堪凭。太虚心量，聊
假梨枣制颓龄。但使心安身健，静看草根泉际，
吟蚓与飞萤。一坐小千劫，无念契无生。

江城子

新酒初熟

老饕嗜酒若鸱夷。拣珠玑。自蒸炊。□尽
云腴，浮蚁在瑶卮。有客相过同一醉，无客至，
独中之。

麴生风味有谁知。豁心脾。展愁眉。玉颊
红潮，还似少年时。醉倒不知天地大，浑忘却，
是和非。

又

九日与诸季登高

客中重九共登高。逼烟霄。见秋毫。云涌
群山，山外海翻涛。回首中原何处是，天似幕，
碧周遭。

茱萸蕊绽菊方苞。左倾醪。右持螯。莫把
闲愁，空使寸心劳。会取八荒皆我室，随节物，

— 源 —



且游遨。

感皇恩

枕上

西阁夜初寒，炉烟轻袅。竹枕綉衾素屏小。
片时清梦，又被木鱼惊觉。半窗残月影，天将晓。

幻境去来，胶胶扰扰。追想平生发孤笑。
壮怀消散，尽付败荷衰草。个中还得趣，从他老。

望江南

新阁就，向日借清光。广厦生风非我志，
小窗容膝正相当。聊此傲羲皇。

猿尾拂，高挂木绳床。老病维摩谁问疾，
散花天女为焚香。恰好细商量。

又

新酒熟，云液满香□。溜溜清声归小瓮，
温温玉色照瓷瓯。饮兴浩难收。

— 员缘 —

